

Txirritola

ARAMAIO / Egubakoitza / 2002ko urtarrilaren 25a / 13. zenbakia

KOORDINATZAILEA: Ubane Madera • Otolara Lizentziaduna z/g 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com

Goikoerrota karobia, heriotza-zigorra eta Mairuelegorreta aztergai osoko bilkuran

UBANE MADERA

Aramaioko udalbatzarra eguaztenean batu zen hileroko bilkura egiteko. Zortzi gai zituzten lantzeko, besteak beste, Goikoerrota karobia zaharberitu dutenei esker ona adieraztea eta heriotza-zigorraren kontrako eta Pablo Ibarren aldeko mozioa.

Goikoerrotako karobia zaharberitu dutenei esker ona adieraztea izan da oraingo astean udalbatzarra landu duen gaietariko bat. Horrekin batera, Anzuotegi eta Latagain mendietako egurra saltzea ere aztertu zuen. Udala bera da pinudi horren jabea, eta pinuen egurra saltzeko zenbait saiakera egin eta gero, enkante publikoan saltzea proposatu du oraingo astean.

Heriotza-zigorrarekin eta Estatu Batuetan hiltzera zigortu duten Pablo Ibarrekin lotutako mozio bat ere landu zuen udalbatzarra. Oro har, bost puntutan, honakoa onartzea proposatu zuten: Pablo Ibarren familiari elkartasuna eta babesa adieraztea, Pablo Ibar berriro epaitzeko eskaera egitea, Pablo Ibarren alde egiten ari diren diru



Heriotza-zigorraren kontrako eta Pablo Ibarren aldeko mozioa landu zuen udalbatzarra.

ARTXIBOA

bilketan parte hartzea, heriotza-zigorra gaitzestea, eta landutako mozio hori beste erakunde batzuetara bidaltzea, haien elkartasuna eta babesa ere lortzeko.

Eta, urtarrileko batzarra bukatzeko, Mairuelegorreta Landa Lurralde Garapenerako Elkartearen ordezkaria izendatzea ere proposatu zuten. Iñaki Nafarrate

proposatu dute horretarako.


Edozelan ere, albiste hau idaztean, oraindik batzarra bukatu barik zegoen, hortaz, ez dakigu proposatutakoa onartu duten edo ez.

Goikoerrota zaharberitu dutenei esker ona adieraztea proposatu dute

Heriotza zigorra gaitzesteko eta Pablo Ibarren alde egiteko mozioa landu du udalbatzarra

Mairuelegorreta Landa Lurralde Garapenerako ordezkari posiblea. Iñaki Nafarrate

ATREBENTZIA/EZPADA/ Zelan ikusten duzu baserritarren egoera?




JOXE GORONAETA
Langilea



ANTONIO URIBARREN
Erretiratua



AITOR ELORTONDO
Langilea



JAVIER OSA
Langilea



IGOR AMASENE
Ikaslea

Egin behar dena da baserritarrei lagundu, eta arazoak erraztu, eta ez dena kendu. Eta bestela, aste-buruak pasatzeko egokitu edo... bestela txarto daude.

Nire ustez, baserritik bizi izateak ez du etorkizunik. Hemendik gutxira, desaburertu egingo da bizimodu hori.

Bizimodu mota bat galtzea beti da triste, baina ez badute irtenbiderik... Gainera, erosoago bizi bada behean... Horra jotzen dugun denok azkenean.

Kopurua jaitsi bada, zerbaitegatik izango da. Pena ematen du, jakina... Hori bai, baserritar gehiago egon beharko lirarteke, eta hobeto lagunduta.

Lehen, baserritik lortzen zen guztia, baina orain, dendak egonda, ez dago horrenbeste beharrik. Pena ematen du, baina hau aurrera doa...

LABUR

Inauterietako mozorro lehiaketarako epea

Otsailaren 2a baino lehen eman behar da izena inauterietako mozorro lehiaketan parte hartzeko. Mozorrotzeko gaitzesteko izango da, eta banaka zein talde deka parte hartu ahal izango du lehiaketan (taldeak, gutxienez lau lagunekoak izan behar dira). Lehiakideak 17:00etan irteera dira, kiroldegitik, eta sariak 18:00etan banatuko dituzte. Sari sari emango dira: talde onenaren barruan, umeei eta 14 urtetik aurrerakoei (bina), eta orijinaltasunaren barruan, besteakoa edo taldekakoa.

TELEFONO JAKINGARRIAK

OSASUNA / LARRIALDIK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kirolegia	945 44 53 35
Postetxea	945 44 50 83
Zuiako Eskualdea	945 43 01 67
Suhiltzailleak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
12:00	12:15	13:00
15:20	15:35	16:20
20:30	20:45	
GASTEIZ	ARAMAIO	ARRASATE
08:30	09:15	09:30
13:10	13:50	14:05
	17:00	17:15
19:30	20:15	20:30

LABUR

ARETO FUTBOLEKO EMAITZAK

Joan den asteburuan, neskek eta mutilek, biek hala biek, galdu egin zuten. Neskek 13-1 galdu zuten Caro Baro taldearen kontra; eta mutilek 2-1 Calasanz taldearen kontra. Oraingo asteburuan, mutilek bakarrik jokatuko dute. Neskek atsedean hartuko dute. Mutilen partidua zapatuan izango da, 12:00etan, Gasteizko Mese-detakoen kontra.

PALETA TXAPELKETA

Aurreko asteburuko emaitzak hauexek dira: Emilio eta Xabi 10, Barandiaran aita-semeak, 35; Amasene anaiak 23, Josu eta Julian 35; Oyanguren eta Garaita 35, Aspe anaiak, 11; eta Azurmendi eta Arriolabengoa 35, Arriolabengoa eta Abarrategi 29. Oraingo asteburuan, goizean bi partidu izango dira (09:00etan eta 10:00etan), eta arratsaldean beste bi (16:00etan eta 17:00etan).

ZINEA

Domekan, 17:00etan, *Billy Elliot* filma emango dute.

ANTZINAKO KONTUAK

Ikurrina legeztatu eta gero, ikurrina Udaletxeko balkoian

1977ko urtarrilaren 19a egun berezia izan zen Aramaion, beste herri askotan moduan. Ikurrina legeztatu zuten eta, lehenengo aldiz, udaletxeetako balkoietan ipini zuten.

Aramaion ere, urtarrilaren 19an, udalbatzarra batu egin zen ikurrina altxatu edo ez erabakitzeke. Aho batez hartu zuten baiezko erabakia zinegotziek. Sei lagun izan ziren: Jesus Zabala, Jose Antonio Aspe, Esteban Lasaga, Juan Jose Pol, Vicente Agirre eta Julian Untzueta alkatea. Azken hark ondo gogoratzen du zein bete-ta egon zen egun hartan herriko plaza: "Ikaragarria zen, jendea oso pozik zegoen, zahar eta gazte; baina zaharrek esaten zuten: 'Ordua zuan'. Hala, ikurrina altxatu genuen balkoian, *Gora Euskadi Askatuta* oihupean".

Urtarrilaren 1ean, Guardia Zibilak Tellamendiko gurutzea bota zuen, aramaioarrek han ikurrina ipini zutelako. Martxoan gurutzea berriz ipini zuten.



HERRIKO JOKOAK

PILOTAN

Pilotan jokatzeke edozein horma, kanposantuko zein elizako, zen ona. Ibarran kontzejupean jokatzen zuten gehienbat (Udaletxepean zegoen horman). Gaur egun, Ibarran, Frontoi-Kirolegian dago.

Pilota jokoetakö bat *Fueraka* edo *A Primis* deitzen zaiona dugu. Jokalarien kopurua ez zegoen mugatuta. Eskuz jo behar zen pilota eta lehenengo botean. Huts egin edo pilota txapapera botaz gero, hormaren kontra, zutik eta banku baten gainean, harmailan, ipini behar izaten zuten. Han zegoenak, pilota airean hartzeko eskubidea zuen, pilota hormara zihorean nahiz horma jo ondoren. Hartzen hasi eta huts egiten bazuen, ukitu eta hutsegite horri, *txuleta* deitzen zitzaion.

Pilota erdira joaten bazen eta parean tokatzen zirenetako inork jotzen ez bazuen, *pares* izaten zen. Hauek tanto bat egin behar zuten libratzeko eta bietako batek jo behar zuen pilota. Huts eginez gero, biak harmailara.

Aramaio joko eta jolasak

BOTEPRONTOAN/ Jesus Mari González · Etxaguen auzoko alkatea

“Jendeak ez du Etxaguendik hanka egingo”

Etxaguen auzora joko dugu oraingoan. Ibarratik lau kilometrora dago, Anboto mendira bidean, Orixol azpian. Lasaitasuna ei da Etxaguenen adierazgarriena, eta hangoak nahiko ondo bizi ei dira. Halaxe kontatu digu Jesus Mari González Etxebarriak, Etxaguengo Arane baserrian bizi den hango alkateak:

Noiztik auzo-alkate? Errepi-katuko duzu?

Urte pare bat dela; beste bi urterako izango da kargua. Eta ez daukat luzatzeko asmorik. **Non dago Etxaguen?** Orixol azpian. Gantzagarekin eta Arexolarekin egiten du muga. **Zenbat lagun bizi zarete han?** Jendea bizi den baserriak sei dira. Eta beste lau hutsik

daude. Guztira, 25 bat lagun biziko gara. **Gazte asko?** Gazte gutxi, oso gutxi: lau gara gazteak. **Baserritarrok baserritik bizi zarete?** Etxe bakarra bizi da baserritik. **Hortaz, zein etorkizun ikusten diozu auzoari?** Jendeak ez du hanka egingo. Etor-kizuna baduela uste dut. **Zer falta zaio?** Denetarik dugu. Uste dut ez zaigula ezer falta. **Orduan, primeran bizi zarete...** Bueno, primeran edo... Kontua da ez zaigula ezer garrantzitsurik falta. **Zer du Etxaguenek kanpotarrendako?** Lasaitasun galanta. **Zer eskatuko zenioke Udalari**



Etxaguenendako? Auzoa nahiko ondo dugu. Argindarra, saneamendua eta horrelakoak eginda daude, hortaz... **Berezitasunik Etxaguenen?** Errota bat dauka. 100 urte baino gehiago ditu, baina orain dela bospasei urte-edo berriro zuten. Gainera, gura dugunean erabili ahal dugu. Noizean behin jendea ikustera etortzen da eta, orduan, martxan ipintzen dugu. **Hortaz, errota baldin badu, erreka ere izango duzue?** Bai. Etxaguengo erreka; ez du beste izenik. Auzoaren erditik pasatzen da, lurpetik. Iturri bat ere badugu eta han ikusten da erreka zati bat, bestela ez da erreka ikusten. **Jaitsi izan da sekula Anbotoko Dama Etxaguenera?** Itxuraz, lehen oihu batzuk-edo entzuten zirela kontatzen dute...

Danona
KARROZERIAK
Konponketak txapa eta pintura
Musakola auzoa, 15 • ARRASATE • Tel.: 943 79 58 06

Altzariak
Diseinua
Apainketa

M ARENAZA

Bizkai, 1 • ARETXABALETA
Tel.: 943 79 08 07

UGARTE

Industria
hornidurak

San Andres auzoa, 2. 5-6 Pab.
Tel.: 943-71 21 41
Faxa: 943-71 21 40

TTUKUN

- Fotokopiak
- Liburu jostekak
- Fotokopiak koloretan
- Planoen kopia
- Offset-a

Ferrerias, 23 • ARRASATE
Tel.: 943 79 46 62